

Per trutgs e pitgognas dals 11-03-2011

Proposta dad Andri Poo

Tura da skis Piz Spadla, Sent

Ruta:

Da la regiun da skis Motta Naluns, Scuol parta ins davent da la staziun da muntogna dal runal da Champatsch (P 2783) cun ina skiada vers Tiral. Quai è la chaldra vers nord da la regiun da skis. La skiada giada ins enfin giu Plan Tiral (P2417). Là metta ins si las pels e chamina ca. 1.5 uras vers ost en direcziun dal Fil Spadla. Cun las pels vegn ins enfin sin il fil, curt avant il punct 2868 msm. Tut tenor relaziuns po ins ir cun ils skis vi dals pes u sin la goba vinavant sur il fil vers il Piz Spadla (P 2936). Dal Piz Spadla fa ins la skiada vers sid en direcziun da l'Alp Spadla. Las costas èn stippas e pretendan relaziuns segiras.

Da l'Alp Spadla po ins traversar las costas da l'ost dal Piz Soèr vers Palü Marscha ed arrivar sin la pista che maina a Sent u seguir la Val Spadan enfin a Pra Schentsch ed arrivar là sin pista.

Cun bunas relaziuns da naiv po ins cuntinuar da l'Alp Spadla vers sidost ed arrivar uschè suenter ina skiada da 1500 meters a Sent.

Durada:	ca. 4-5 uras
Muntada:	ca. 500 meters
Difficultads:	la traversada dal fil a pe po esser stentusa

Spezialitads da la tura:

- tura adattada per relaziuns da primavaira
- lunga skiada en relaziun cun la muntada
- naginas ustarias sin il traject
- pretsch reduci per la carta dal di per turas tar las pendicularas Scuol Motta Naluns

Attenziun:

Igl è da resguardar la situaziun da naiv e lavinas e dad avair equipament da turas da skis.